

- (3) Забрањено је посјетиоцима увођење паса, мачака и других животиња.
- (4) Простор зоолошког врта мора да буде ограђен адекватном оградом, а улаз и излаз мора да буде под надзором.

Члан 21.

(Провјера услова држања животиња и здравственог стања животиња)

- (1) Редовна контрола животињских објеката и опреме као и здравља и понашања животиња од особља које се брине за животиње мора да се проводи најмање једном дневно, што може да буде и током храњења животиња и чишћења објеката.
- (2) Особље које се брине за животиње мора о свим знаковима обољења и поремећаја понашања животиња да обавјести одговорно лице које мора да предузме све потребне мјере.
- (3) За сваку животињу или групу животиња потребно је водити евиденцију о промјенама здравственог стања и понашања, проведеним здравственим прегледима и лијечењима, те осталим предузетим мјерама.
- (4) Сви подаци о обољењима животиња и предузетим поступцима, те лијечењу животиња, морају да буду чувани и дати на увид на захтјев ветеринарске инспекције.

Члан 22.

(Начин представљања животиња)

- (1) Свака животиња мора да буде представљена на начин да:
- а) су задовољене потребе животиња, пратећи најновија сазнања о биологији врста и начину њиховог држања, посебно када је ријеч о врстама које прије нису држане или код планирања новог смјештаја за већ постојеће врсте;
 - б) је смјештена у што природније уређеном објекту (који опонаша њено природно станиште);
 - ц) су објекти опремљени, у складу са потребама животињске врсте, простирком, шупљинама, кутијама за гнијежђење, базенима, подлогом, вегетацијом и осталим материјалима за обогаћење животног простора, тако да се омогући испољавање природног понашања поједине врсте животиња. При планирању објеката мора да се у обзир узме раст животиња, тако да објекат одговара потребама животиње у сваком стадију њеног раста и развоја;
 - д) су животиње које у природи живе у групама смјештене у здружљивим групама. Код појаве агресивности у групи животиње смију да буду држане у изолацији само због заштите и добробити групе или јединке;
 - е) се створи занимљивији приказ станишта животиње, да би се потакао развој свијести посјетилаца о потреби очувања околине животиња, а тиме и очувања њихове добробити;
 - ф) баријере и ограде буду постављене тако да штите животиње и посјетиоце.
- (2) Зоолошки врт мора да обезбједи адекватне мјере контроле популације држаних животиња, да би се спријечило превелико повећање њиховог броја.
- (3) Јединке различитих врста не смију да се међусобно укрштају.

Члан 23.

(Уклањање лешина животиња)

С лешинама животиња поступа се у складу са специјалним ветеринарским прописима.

Члан 24.

(Контрола штеточина)

Дератизација и дезинсекција у зоолошком врту треба да се проводи у складу са специјалним ветеринарским прописима.

Члан 25.

(Заштита од страха и стреса)

Са животињама мора да се поступа пажљиво, да би се заштитила њихова добробит и избјегла непотребна патња и стрес или физичке повреде.

Члан 26.

(Располагање животињама)

- (1) Зоолошки врт може животиње да дарује, посуђује или продаје само регистрованим зоолошким вртovima, на начин да се не угрози добробит и здравље животиња.
- (2) Одредбе става (1) овог члана не односе се на имплементацију специјалних програма којима је сврха узгој и заштита угрожених и заштићених врста животиња, ако се при њиховој имплементацији обезбједи добробит животиња.
- (3) Изузетно од става (1) овог члана, допуштена је продаја или даровање животиња узгојених у том зоолошком врту и другим лицима, уз претходно одобрење надлежног органа.
- (4) Зоолошки врт мора да води евиденцију о набавци животиња и свим осталим поступцима из овог члана.

Члан 27.

(Прелазне и завршне одредбе)

- (1) Правна и физичка лица која обављају дјелатност представљања животиња дужна су да је ускладе са одредбама овог правилника у року од двије године од дана његовог ступања на снагу.
- (2) Правна или физичка лица која још нису почела са обављањем дјелатности представљања животиња јавности, морају да ускладе наведену дјелатност у складу са одредбама овог правилника прије њиховог отварања за јавност.
- (3) Надлежни инспекцијски органи у року од 60 дана од дана ступања на снагу овог правилника дужни су да доставе надлежном органу податке о правним и физичким лицима из става (1) овог члана која обављају дјелатност на њиховом подручју.

Члан 28.

(Ступање на снагу)

Овај правилник ступа на снагу осмог дана од дана објављивања у "Службеном гласнику БиХ".

Број 04-5-02-2-320-1/10

17. јануара 2010. године

Сарајево

Директор

Доц. др Драго Н. Недић, с. р.

Na osnovu člana 25. stav (4) Zakona o zaštiti i dobrobiti životinja ("Službeni glasnik BiH", broj 25/09), Ured za veterinarstvo Bosne i Hercegovine, donosi

ПРАВИЛНИК

О UVJETIMA ZA OSNIVANJE I RAD ZOOLOŠKIH VRTOVA

Члан 1.

(Предмет)

- (1) Ovim pravilnikom se propisuju uvjeti za osnivanje i rad zoooloških vrtova radi zaštite i dobrobiti životinja.
- (2) Zooološki vrtovi obuhvataju i:
- a) safari park,
 - b) delfinarij,
 - c) park ptica,
 - d) akvarij,
 - e) terarij,
 - f) zbirku životinja otvorenu za javnost.

Члан 2.

(Изузечи)

Ovaj pravilnik se ne odnosi na:

- a) privremene izložbe životinja,
- b) objekte za uzgoj životinja,
- c) trgovine za prodaju kućnih ljubimaca,
- d) akvarije i terarije koji služe ukrašavanju prostora,
- e) zbirke životinja koje nisu otvorene za javnost.

Član 3.
(Rječnik pojmova)

U ovom pravilniku pojedini pojmovi imaju sljedeće značenje:

- a) "zoološki vrt" sačinjavaju prostori i objekti u kojima pravna ili fizička lica obavljaju djelatnost predstavljanja i zaštite životinja i njihovih staništa, te čija je stalna izložba osnovana s ciljem predstavljanja zaštite životinja i prirode kroz edukaciju, istraživanje i rekreaciju, a otvorena je za javnost najmanje sedam dana godišnje;
- b) "safari park" je ograničeno područje u kojem se drže divlje životinje bez vidljivih prepreka i u kojem je posjetiocima omogućeno posmatranje životinja iz vozila;
- c) "delfinarij" je objekt sa specijaliziranom stalnom izložbom morskih sisara;
- d) "park ptica" je područje/objekt sa stalnom izložbom ptica;
- e) "akvarij" je objekt s umjetno stvorenim unutrašnjim prostorima uređenim za držanje, razmnožavanje, posmatranje i istraživanje životinja koje cijeli životni vijek ili njegov veći dio provode u vodi;
- f) "terarij" je objekt s manjim, pretežno umjetno stvorenim, unutrašnjim prostorima uređenim za držanje, razmnožavanje, posmatranje i istraživanje malih sisara, gmizavaca, vodozemaca, insekata ili drugih beskičmenjaka koji cijeli životni vijek ili njegov veći dio provode na kopnu;
- g) "zbirka životinja otvorena za javnost" je područje, prostor ili objekt uređen za držanje manjeg broja životinjskih vrsta i jedinki;
- h) "objekt" je prostor i njemu pripadajuće prostorije ili objekti u kojima se pojedine životinje ili grupe životinja drže i borave;
- i) "nadležni organi" su: Federalno ministarstvo poljoprivrede, vodoprivrede i šumarstva, Ministarstvo poljoprivrede, šumarstva i vodoprivrede Republike Srpske i Odjel za poljoprivredu, šumarstvo i vodoprivredu Brčko Distrikta Bosne i Hercegovine.

Član 4.
(Uvjeti za osnivanje)

Zoološki vrt može početi da obavlja djelatnost na osnovu saglasnosti iz člana 25. stav (2) Zakona kojim nadležni organ utvrđuje da su ispunjeni uvjeti za njegovo osnivanje i rad.

Član 5.
(Dodatni uvjeti)

U obavljanju registrirane djelatnosti zoološki vrt, uz odredbe Zakona i ovog pravilnika, u svom poslovanju mora ispunjavati i druge uvjete u skladu sa specijalnim propisima:

- a) o minimalnim standardima držanja životinja;
- b) o obilježavanju životinja;
- c) o vođenju evidencije o životinjama;
- d) o prijevozu životinja.

Član 6.
(Zahtjev za izdavanje saglasnosti)

Uz zahtjev za izdavanje saglasnosti iz člana 4. ovog pravilnika, podnosi se:

- a) dokaz o registraciji;
- b) podaci o fizičkom ili pravnom licu kao podnosiocu zahtjeva (ime i prezime te adresa prebivališta fizičkog lica, odnosno naziv i sjedište pravnog lica);
- c) adresa zoološkog vrta;
- d) podaci o odgovornom licu (ime i prezime, adresa prebivališta);
- e) prikaz iz kojeg će biti vidljivo:
 - 1) planirani broj službenika zaduženih za brigu o životinjama, njihova edukacija i poslovi koje će obavljati;
 - 2) planirani broj životinjskih vrsta i jedinki pojedinih životinjskih vrsta;

- 3) nacrt prostora s podacima o veličini i opremi vanjskih i unutrašnjih objekata za životinje;
- 4) plan nabave hrane za pojedinu vrstu životinja;
- 5) plan sprječavanja bijega životinja iz zoološkog vrta kao i ulaska životinja izvana;
- 6) plan djelovanja u slučajevima ugrožavanja sigurnosti životinja ili posjetilaca;
- 7) način osiguranja veterinarske zaštite životinja.

Član 7.

(Izdavanje saglasnosti)

Saglasnost iz člana 4. ovog pravilnika izdaje se podnosiocu zahtjeva u slučaju zadovoljavanja uvjeta iz člana 6. ovog pravilnika.

Član 8.

(Evidencija)

- 1) Zoološki vrt se, na osnovu saglasnosti iz člana 4. ovog pravilnika, upisuje u Evidenciju odobrenih objekata (u daljnjem tekstu: Evidencija), koja se vodi pri nadležnom organu.
- 2) Evidencija iz stava (1) ovog člana mora sadržavati sljedeće podatke:
 - a) broj rješenja;
 - b) datum izdavanja rješenja;
 - c) adresu zoološkog vrta;
 - d) vrstu zoološkog vrta;
 - e) podatke o fizičkom ili pravnom licu koje obavlja djelatnost (ime i prezime, te adresa prebivališta fizičkog lica, odnosno naziv i adresa sjedišta pravnog lica).

Član 9.

(Inspekcijски nadzor)

- (1) Ukoliko se pri inspekcijском nadzoru utvrdi da zoološki vrt obavlja djelatnost bez saglasnosti iz člana 4. ovog pravilnika ili da više ne zadovoljava propisane uvjete, nadležni inspekcijски organ naređuje:
 - a) zatvaranje zoološkog vrta ili jednog njegovog dijela i/ili
 - b) otklanjanje nedostataka u svrhu zadovoljavanja odredaba ovog pravilnika, ukoliko se takvim postupkom ne ugrožava dobrobit i zdravlje životinja.
- (2) Uvjeti iz stava (1) ovog člana moraju biti zadovoljeni u adekvatnom roku koji odredi nadležni organ, a koji ne smije biti duži od dvije godine.
- (3) Fizičko ili pravno lice koje obavlja djelatnost u zoološkom vrtu dužno je obavijestiti nadležni organ ukoliko namjerava prestati obavljati odobrenu djelatnost, radi brisanja iz Evidencije iz člana 8. stava (1) ovog pravilnika.

Član 10.

(Plan zbrinjavanja životinja nakon zatvaranja zoološkog vrta)

- (1) Fizičko ili pravno lice koje obavlja djelatnost u zoološkom vrtu mora u slučaju iz člana 9. st. (1) i (3) ovog pravilnika, nadležnom organu predložiti plan osiguranja dobrobiti životinja, uključujući i njihovo zdravlje i/ili zbrinjavanje, ukoliko više nema uvjeta za njihovo daljnje držanje.
- (2) Nadležni organ će u saradnji s nadležnim organima entiteta: Ministarstvom za prostorno planiranje, građevinarstvo i ekologiju Republike Srpske i Federalnim ministarstvom za okoliš i turizam osigurati zbrinjavanje životinja iz zoološkog vrta u slučajevima iz člana 9. st. (1) i (3) ovog pravilnika.

Član 11.

(Kopija akta saglasnosti)

Kopija saglasnosti iz člana 4. ovog pravilnika mora sve vrijeme biti vidljivo istaknuta u zoološkom vrtu na svim ulazima za posjetioce.

Član 12.

(Opći uvjeti)

Zoološki vrt mora, s obzirom na vrstu životinja koje drži, zadovoljavati sljedeće uvjete:

- a) osigurati visoke standarde držanja životinja na način da ih drži u pojedinim vrstama prilagođenom i obogaćenom

prostoru, tj. u uvjetima koji zadovoljavaju biološke potrebe pojedinih vrsta i oponašaju njihova prirodna staništa;

- b) osigurati veterinarsku zaštitu životinja;
- c) raspolagati programom ishrane životinja u skladu s potrebama svake držane vrste i kategorije životinja;
- d) voditi evidenciju o vrstama i broju životinja smještenih u zoološkom vrtu, evidencije propisane u skladu s članom 18. stav (5), članom 21. stav (3) i članom 26., te u skladu sa specijalnim propisima iz člana 5. ovog pravilnika;
- e) prikazati stručan i human odnos prema životinjama;
- f) učestvovati u uzgojnim programima ugroženih vrsta;
- g) izmjenjivati s drugim zoološkim vrtovima informacije koje se odnose na očuvanje vrsta i zaštitu njihove dobrobiti;
- h) educirati posjetioce i podizati svijest javnosti o značaju očuvanja životinjskih vrsta i njihove okolice, te osiguranja dobrobiti životinja, naročito predstavljanjem informacija o izloženim vrstama te njihovim prirodnim staništima.

Član 13.

(Smještaj zoološkog vrta)

Pri izgradnji novog zoološkog vrta treba voditi računa da isti bude smješten na prostoru koji će svojom veličinom i drugim obilježjima odgovarati potrebama smještaja planiranog broja i vrste životinja te u skladu sa specijalnim propisima iz područja prostornog uređenja i zaštite okolice.

Član 14.

(Snabdijevanje vodom)

- (1) Zoološki vrt se može snabdijevati vodom iz javnog vodovoda i/ili vlastitog izvora, a voda koja se koristi za piće mora zadovoljavati standarde koji su propisani za pitku vodu.
 - (2) Pri snabdijevanju vodom iz vlastitih izvora potrebno je osigurati koncesiju za zahvatanje voda za tehnološke i slične potrebe u skladu sa specijalnim propisima.
 - (3) Otpadne vode iz zoološkog vrta, ako sadrže opasne i štetne tvari koje mogu utjecati na okolicu, moraju se pročišćavati u skladu sa specijalnim propisima, ovisno o vrsti prijemnika.
- Zoološki vrt mora osigurati dozvolu za ispuštanje voda u skladu sa specijalnim propisima.

Član 15.

(Održavanje i čišćenje objekata)

- (1) Hemijska sredstva koja se koriste za čišćenje i dezinfekciju objekata i prostora zoološkog vrta smiju se koristiti samo po odobrenju i pod kontrolom stručnog osoblja.
- (2) Za hemijska sredstva koja se koriste za pranje i dezinfekciju objekata i prostora zoološkog vrta potrebno je nabaviti vodoprivrednu dozvolu u skladu sa specijalnim propisima.

Član 16.

(Materijali za izgradnju objekata)

- (1) Materijali koji se upotrebljavaju za izgradnju objekata zoološkog vrta moraju biti takvi da omogućavaju njihovo higijensko održavanje, tj. redovno čišćenje, pranje i, prema potrebi, dezinfekciju, te ne smiju sadržavati štetne tvari koje mogu ugroziti zdravlje životinja.
- (2) Objekti moraju biti sagrađeni i održavani na način da ne dolazi do povrjeđivanja životinja.
- (3) Raspoloživi prostor za pojedinu vrstu životinja mora biti uređen i održavan u skladu s minimalnim standardima držanja životinja.

Član 17.

(Temperatura, ventilacija i osvjetljenje)

- (1) Temperatura, ventilacija i osvjetljenje te nivo buke u objektima moraju biti u skladu s potrebama pojedine vrste životinja. Posebnu pažnju treba obratiti potrebama gravidnih ženki i novorođenih jedinki te novopridošlih životinja,

kojima se mora omogućiti da se u potpunosti prilagode novom okruženju.

- (2) U objektima za životinje mora biti osigurana prirodna svjetlost i/ili umjetna rasvjeta odgovarajućeg intenziteta prilagođena potrebama pojedinih vrsta životinja.
- (3) U objektima za životinje, s obzirom na potrebe pojedinih vrsta, mora biti osigurana prirodna ili umjetna klimatizacija.
- (4) U objektima mora biti osigurana adekvatna vlažnost zraka s obzirom na vrstu životinja, a za tropske vrste životinja potrebno je osigurati odgovarajući sistem održavanja mikroklimatskih uvjeta prilagođenih njihovim specijalnim potrebama.
- (5) Potrebno je osigurati adekvatnu klimatizaciju akvarija i ostalih vodenih površina te odgovarajuću temperaturu vode i salinitet.
- (6) Životinje u objektima moraju biti zaštićene od neugodnih klimatskih utjecaja. Vanjski objekti moraju biti opremljeni zaklonima i skloništima za životinje.

Član 18.

(Hranjenje i napajanje)

- (1) Životinjama mora biti osigurana dovoljna količina adekvatne hrane i vode, ponudene na adekvatan način, ovisno o specijalnim potrebama pojedine životinjske vrste i jedinke.
- (2) Posude s hranom i pićem moraju biti odgovarajuće smještene, prema potrebi i učvršćene, tako da su dostupne svakoj jedinki u objektu.
- (3) Posude za hranu i piće ne smije se koristiti u druge svrhe.
- (4) Metode hranjenja moraju biti sigurne i za životinje i za ljude.
- (5) Zoološki vrt mora voditi evidenciju o porijeklu nabavljene hrane.

Član 19.

(Čuvanje i priprema hrane)

- (1) Prostorije za skladištenje hrane moraju biti suhe, zaštićene od bilo koje vrste kontaminiranja te od insekata, ptica, glodara i drugih štetočina.
- (2) U prostorijama za skladištenje hrane ne smiju se držati toksične tvari, lešine životinja i odbačeni ostaci hrane.
- (3) Pokvarljive namirnice moraju biti čuvane u frižideru.
- (4) Sav pribor, posude i radne površine povezane s pripremanjem hrane za životinje moraju biti održavane čistim i u dobrom stanju.

Član 20.

(Sigurnost ljudi i životinja)

- (1) Fizičko ili pravno lice koje obavlja djelatnost u zoološkom vrtu dužno je osigurati zaštitu ljudi (osoblja i posjetilaca) od životinja i životinja od ljudi. Znakove upozorenja za ljude potrebno je istaknuti na vidljivim mjestima.
- (2) Svaki događaj koji ugrožava sigurnost ljudi, sigurnost i dobrobit životinja ili bijeg opasnih životinja mora biti odmah prijavljen nadležnoj policijskoj upravi i veterinarskoj inspekciji.
- (3) Zabranjeno je posjetiocima uvođenje pasa, mačaka i drugih životinja.
- (4) Prostor zoološkog vrta mora biti ograđen adekvatnom ogradom, a ulaz i izlaz mora biti pod nadzorom.

Član 21.

(Provjera uvjeta držanja životinja i zdravstvenog stanja životinja)

- (1) Redovna kontrola životinjskih objekata i opreme kao i zdravlja i ponašanja životinja od osoblja koje se brine za životinje mora se provoditi najmanje jednom dnevno, što može biti i tokom hranjenja životinja i čišćenja objekata.
- (2) Osoblje koje se brine za životinje mora o svim znakovima oboljenja i poremećaja ponašanja životinja obavijestiti odgovorno lice koje mora preduzeti sve potrebne mjere.
- (3) Za svaku životinju ili grupu životinja potrebno je voditi evidenciju o promjenama zdravstvenog stanja i ponašanja, provedenim zdravstvenim pregledima i liječenjima, te ostalim preduzetim mjerama.

- (4) Svi podaci o oboljenjima životinja i preduzetim postupcima, te liječenju životinja, moraju biti čuvani i dati na uvid na zahtjev veterinarske inspekcije.

Član 22.

(Način predstavljanja životinja)

- (1) Svaka životinja mora biti predstavljena na način da:
- su zadovoljene potrebe životinja, prateći najnovija saznanja o biologiji vrsta i načinu njihovog držanja, posebno kada je riječ o vrstama koje prije nisu držane ili kod planiranja novog smještaja za već postojeće vrste;
 - je smještena u što prirodnije uređenom objektu (koji oponaša njeno prirodno stanište);
 - su objekti opremljeni, u skladu s potrebama životinjske vrste, prostirkom, šupljinama, kutijama za gniježđenje, bazenima, podlogom, vegetacijom i ostalim materijalima za obogaćenje životnog prostora, tako da se omogućiti ispoljavanje prirodnog ponašanja pojedine vrste životinja. Pri planiranju objekata mora se u obzir uzeti rast životinja, tako da objekt odgovara potrebama životinje u svakom stadiju njenog rasta i razvoja;
 - su životinje koje u prirodi žive u grupama smještene u združljivim grupama. Kod pojave agresivnosti u grupi životinje smiju biti držane u izolaciji samo zbog zaštite i dobrobiti grupe ili jedinke;
 - se stvori zanimljiviji prikaz staništa životinje, kako bi se potakao razvoj svijesti posjetilaca o potrebi očuvanja okoline životinja, a time i očuvanja njihove dobrobiti;
 - barijere i ograde budu postavljene tako da štite životinje i posjetioce.
- (2) Zoološki vrt mora osigurati adekvatne mjere kontrole populacije držanih životinja, kako bi se spriječilo preveliko povećanje njihovog broja.
- (3) Jedinke različitih vrsta ne smiju se međusobno ukrštati.

Član 23.

(Uklanjanje lešina životinja)

S lešinama životinja postupa se u skladu sa specijalnim veterinarskim propisima.

Član 24.

(Kontrola štetočina)

Deratizaciju i dezinsekciju u zoološkom vrtu treba provoditi u skladu sa specijalnim veterinarskim propisima.

Član 25.

(Zaštita od straha i stresa)

Sa životinjama se mora postupati pažljivo, kako bi se zaštitila njihova dobrobit i izbjegla nepotrebna patnja i stres ili fizičke povrede.

Član 26.

(Raspolaganje životinjama)

- (1) Zoološki vrt može životinje darovati, posuđivati ili prodavati samo registriranim zoološkim vrtovima, na način da se ne ugrozi dobrobit i zdravlje životinja.
- (2) Odredbe stava (1) ovog člana ne odnose se na provedbu specijalnih programa kojima je svrha uzgoj i zaštita ugroženih i zaštićenih vrsta životinja, ako se pri njihovom provođenju osigura dobrobit životinja.
- (3) Izuzetno od stava (1) ovog člana, dopuštena je prodaja ili darovanje životinja uzgojenih u tom zoološkom vrtu i drugim licima, uz prethodno odobrenje nadležnog organa.
- (4) Zoološki vrt mora voditi evidenciju o nabavci životinja i svim ostalim postupcima iz ovog člana.

Član 27.

(Prijelazne i završne odredbe)

- (1) Pravna i fizička lica koja obavljaju djelatnost predstavljanja životinja dužna su je uskladiti s odredbama ovog pravilnika u roku od dvije godine od dana njegovog stupanja na snagu.
- (2) Pravna ili fizička lica koja još nisu počela s obavljanjem djelatnosti predstavljanja životinja javnosti, moraju uskladiti

navedenu djelatnost s odredbama ovog pravilnika prije njihovog otvaranja za javnost.

- (3) Nadležni inspeksijski organi u roku od 60 dana od dana stupanja na snagu ovog pravilnika dužni su dostaviti nadležnom organu podatke o pravnim i fizičkim licima iz stava (1) ovog člana koja obavljaju djelatnost na njihovom području.

Član 28.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenom glasniku BiH".

Broj 04-5-02-2-320-1/10

17. januara 2010. godine

Sarajevo

Direktor

Doc. dr. **Drago N. Nedić**, s. r.

AGENCIJA ZA IDENTIFIKACIJSKE ISPRAVE, EVIDENCIJU I RAZMJENU PODATAKA BOSNE I HERCEGOVINE

Na temelju članka 61. Zakona o upravi ("Službeni glasnik BiH" broj 32/02 i 102/09) i članka 19. stavak (2) Zakona o Agenciji za identifikacijske isprave, evidenciju i razmjenu podataka Bosne i Hercegovine ("Službeni glasnik BiH" broj 56/08), te članka 19. stavak (3) Zakona o putnim ispravama Bosne i Hercegovine ("Službeni glasnik BiH", broj 4/97, 1/99, 9/99, 27/00, 32/00, 19/01, 47/04, 53/07, 15/08, 33/08 i 39/08), ravnatelj Agencije za identifikacijske isprave, evidenciju i razmjenu podataka Bosne i Hercegovine donosi

NAPUTAK

O IZMJENAMA I DOPUNAMA NAPUTKA O NAČINU UZIMANJA BIOMETRIJSKIH PODATAKA

Članak 1.

Ovim Naputkom, članak 6. stavak (2) Naputka o načinu uzimanja biometrijskih podataka ("Službeni glasnik BiH" broj 45/09) mijenja se i glasi:

"Ako je lice nepismeno ili uzimanje potpisa nije moguće iz drugih objektivnih razloga, na obrascu putne isprave, na mjestu predviđenom za potpis, upisuje se oznaka XX, a službeno lice na poledini zahtjeva navodi razloge nemogućenost uzimanja potpisa, što potvrđuje svojim potpisom".

Članak 2.

Ostale odredbe Naputka o načinu uzimanja biometrijskih podataka ostaju neizmjenjene.

Članak 3.

Ovaj Naputak stupa na snagu osmog dana od dana objavljivanja u "Službenom glasniku BiH".

Broj 15/01-02-2-1965-1/09

16. ožujka 2010. godine

Banja Luka

Ravnatelj

Mr. **Siniša Macan**, v. r.

На основу члана 61. Закона о управи ("Службени гласник БиХ" број 32/02 и 102/09) и члана 19. став (2) Закона о Агенцији за идентификационе документе, евиденцију и размјену података Босне и Херцеговине ("Службени гласник БиХ" број 56/08), те члана 19. став (3) Закона о путним исправама Босне и Херцеговине ("Службени гласник БиХ", број 4/97, 1/99, 9/99, 27/00, 32/00, 19/01, 47/04, 53/07, 15/08, 33/08 и 39/08), директор Агенције за идентификациона документа, евиденцију и размјену података Босне и Херцеговине доноси